

金上甄庶陳陳漢孝孝卯朝

卷之五

全漢文卷三十九

烏程嚴可均校輯

劉向

五

新序

案新序三十卷見存十卷不錄錄其佚文

齊王問墨子曰古之學者為己今之學者為人何如對曰古之學者得一善言曰附其身今之學者得一善言務曰悅人

北堂書鈔八十三太

平御覽六百七

臧孫行猛政子貢非之曰夫政猶張琴瑟也大絃急則小絃絕矣

是曰位尊者德不可曰薄官大者治不可曰小地廣者制不可曰

狹民眾者政不可曰苛獨不聞子產相鄭乎其掄材惟賢抑惡而

揚善故有大略者不問其所短有德厚者不非其小疵其牧民之

道養之曰仁教之曰禮因其所欲而與之從其所好而勸之賞之

疑者從重罰之疑者從輕

藝文類聚五十二

子產相鄭七年而教宣風行國無刑人

北堂書鈔三十五風俗
和平固圉空虚注引

李斯問荀卿曰當今之時為秦奈何孫卿曰力術止義術行秦之

謂也

荀子強國篇
楊倞注引

子產決鄧析教民之難約大獄袍衣小獄襦袴民之獻袍衣襦袴

者不可勝數曰非為是曰是為非鄭國大亂民口謹譁子產患之

於是討鄧析而僂之民乃服是非乃定

荀子正名
篇注引

梁車新為鄴令其姊往見之值暮郭門閉遂踰郭而入梁車新因

則其足趙成侯曰為不慈遂奪璽免官

御覽五
百十七

魯哀公為室而大公儀子

淮南人間訓
作公宣子

諫曰室大眾與人處則譁

少與人處則悲

卑訛今
從淮南

願公適也曰聞命矣築室不輟明日又諫

當有
日字

國小室大百姓必怨吾君諸侯聞之必輕吾國公曰聞命矣

築室不輟明日又諫曰左昭右穆為室而大曰臨二先君無乃害

於孝乎於是哀公毀室而止

御覽百
七十四

齊景公遊於牛山之上而北望齊曰美哉國乎使古無死者則寡人將去期如之何乃泣沾襟高子曰然賴君之賜蔬食惡肉可得而食也駑馬棧車可得而乘也且不欲死而況吾君乎俯而垂泣晏子拊手而笑曰樂哉今日嬰之遊也見怯君一而諛臣二使古之無死者則太公丁公至今猶存吾君方爲被蓑笠而立乎畎畝之中唯事之恤何暇念死乎景公慙焉

御覽四百廿八今見韓詩外傳十

齊有田巴先生者行修於內智明於外王聞其賢聘之將問政焉田巴先生改製新衣拂飾冠帶顧謂其妾妾曰姣將出門問其從者從者曰姣過於淄水自照視醜惡甚焉遂見齊王齊王問政對曰政在正身正身之本在於羣臣大王召臣臣改制鬚飾問於臣妾曰奚若妾愛臣諛臣曰姣問從者從者畏臣諛臣曰姣臣據臨淄水而觀影然後自知醜惡也今齊之臣妾諛王者非特二人王如臨淄水見己之惡過而自改斯齊國治矣

御覽六十三又三百八十二

孔子見宋榮啟期老白首衣弊服鼓琴自樂孔子問曰先生老而窮何樂也啟期對曰吾有三樂天生萬物曰人爲貴吾得爲人一樂也人生曰男爲貴吾得爲男二樂也人生有傷夭吾年九十歲是三樂也貧者士之常死者人之終居常曰守終何不樂乎

御覽

三百八十三

崔杼弑莊公申蒯漁於海而後至將入死之其御止之曰君之無道聞於天下不可死也申蒯曰告我晚子不早告我吾安得食亂君之祿而死治君之事乎子免之無死其御曰子有亂主猶死之我有治長奈何勿死申蒯至門曰申蒯聞君死請入弔門者曰告崔杼杼令勿內申蒯曰汝疑我乎吾與汝臂乃斷其左臂曰與門者門者曰示崔杼杼陳八列令其入申蒯拔劍呼天三踊乃鬪殺七列未及崔子一列而死其御亦死之門外君子聞之曰蒯可謂守節死義矣

御覽三百六十九又四百十七又四百三十八又有申鳴一條今見說苑疑誤作新序今不錄

大五百九十

孫武樂毅之徒皆前世之賢將也久遠深奧其事難知至於吳漢
近時人耳起於販馬立爲良將垂名竹帛天下歸德此可慕也

御覽

二百七十六

昔子奇年十八齊君使之治阿旣行矣悔之使使追之曰未至阿
及之還之已至勿還也使者及之而不還君問其故對曰臣見使
與共載者白首也夫曰老者之智曰少者之決必能治阿矣是曰
不還

御覽二百六十八

齊景公遊海上樂之六月不歸令左右敢言歸者死顏歆諫曰君
樂治海上不樂治國儻有治國者君且安得樂出海也公據戟將
斫之歆撫衣而待之曰君奚不斫也昔桀殺關龍逢紂殺王子比
干君奚不斫曰臣參此二人不亦可乎公遂歸

御覽二百五十三

昌邑王治側鑄

續漢志作注

冠十枚曰冠賜師友儒者後曰冠冠奴龔

遂免冠歸之曰王賜儒者冠下至臣今曰餘冠冠奴是大王奴虜

畜臣也

御覽
五百

昌邑王徵爲天子到營陽置積竹刺杖二枚龔遂諫曰積竹賜杖者驕蹇少年杖也大王奉大喪當拄竹杖

御覽七
百十

昌邑王取侯王二千石墨綬黃綬與左右佩之龔遂諫曰高皇帝造花綬五等陛下取之而與賤人臣曰爲不可願陛下收之

御覽
六百

八十
二

上古之時其民敦朴故三皇教而不誅無師而威故善爲者不師三皇之德也至於五帝有師旅之備而無用故善師者不陣五帝之謂也湯伐桀文王伐紂皆陣而不戰故善陣者不戰三王之謂也及夏后氏之伐有扈殷高宗之討鬼方周宣王之征熏鬻而不血刃皆仁聖之惠時化之風也至齊桓侵蔡而蔡潰伐楚而楚服而彊楚曰致苞茅之貢於周室北伐山戎使奉朝覲三存亡一繼絕九合諸侯一匡天下衣裳之會十有一嘗大戰亦不

血刃至晉文公設虎皮之威陳曳柴之偽呂破楚師而安中國故
曰善戰者不死晉文公之謂也楚昭王遭闔閭之禍國滅昭王出
亡父老迎而哭之昭王曰寡人不仁不能守社稷父老反矣何憂
無君寡人且從此入海矣父老曰有君若此其賢也及申包胥請
救哭秦庭七日秦君憐而救之秦楚同心遂走吳師昭王反國故
善死者不亡昭王之謂也是故自晉文公呂下至戰國而暴兵始
眾於是呂彊并弱呂大吞小故彊國務攻弱國備守合從連衡羣
相征伐故戰則稱孫吳守則稱墨翟至秦而呂兵并天下窮兵極
武而亡及項羽尚暴而滅漢呂寬仁而興故能掃除秦之苛暴矣
孝武皇帝攘服四夷其後天下安然故世之爲兵者其行事略可

覩也

御覽二百
七十一

湯居亳七十里地與葛伯爲鄰葛伯放淫不祀湯使人遺之牛羊
葛伯食之又不祀湯又使人問曰何爲不祀曰無呂共粢盛也

湯又使亳眾往爲之耕老弱饋食葛伯率其民要其有酒食黍稻者奪之不與者殺之有一童子曰黍肉餉殺而奪之書曰葛伯仇餉此之謂也爲其殺是童子而征之四海之內皆曰非富天下也爲匹夫匹婦復讎也

御覽三百五

公孫敖問伯象先生曰今先生收天下之術博觀四方之日久矣未能裨世主之治明君臣之義是則未有異於府庫之藏金玉筐

篋之囊簡書也

御覽八百十一

公孫敖曰夫玉石金鐵猶可琢磨曰爲器用而況於人

御覽八百十三

紂王天下熊羆不熟而殺庖人

御覽八百六十一

平公問叔向曰齊桓公九合諸侯一匡天下如是君不如臣力何

也師曠侍曰臣請以喻五味管仲善斷割之隰朋善煎熬之賓須無善齊和之羹已熟矣奉而進之而君不食誰能彊之亦君之力

也

同上

趙簡子使使者聘孔子於魯曰胙牛肉迎於海上使者謂船人曰孔子卽上船中河安流而殺之孔子至使者致命進胙牛之肉孔子仰天而歎曰美哉水平洋洋也使丘不濟此水者命也夫

御覽八百

六十

楚王使謁者徐光迎方與盲人吹竽者也龔遂乃去

御覽五百八十一

禹南濟于江黃龍負舟舟中之人皆失色禹仰天而歎曰吾受命

於天死生命也龍俯首而逝

御覽六十

勇士一呼三軍皆辟易士之誠也

此三句有

夫勇士孟賁水行不避蛟

龍陸行不避虎狼發怒吐氣聲嚮

響同

動天至其死矣頭身斷絕夫

不用仁而用武當時雖快身必無後是曰孔子勤勤行仁

御覽四百三十

七

齊遣淳于髡到楚髡爲人短小楚王甚薄之謂曰齊無人邪而使

子來子何長也對曰臣無所長腰中七尺之劍欲斬無壯

疑

王王

曰止吾但戲子耳與髡共飲

同上

秦王曰五百里地易鄢陵鄢陵君辭不受使唐且謝秦王王忿然
變色怒曰亦向見天子之怒乎且曰臣未嘗見王曰夫天子之怒
伏尸百萬流血千里且曰大王亦嘗見布衣韋帶士之怒乎王曰
布衣韋帶士之怒解冠徒跣頭搶地耳何難知者且曰此乃庸
夫庶人之怒耳非布衣韋帶士之怒也夫專諸刺王僚彗星襲日
奔星晝出要離刺王子慶忌倉鷹擊於臺上聶政刺韓王白虹貫
日此三者皆布衣怒也與臣將四士無怒則已一怒伏尸二人流
血五步卽案其匕首起視秦王曰今將是矣王色變跪曰先生就
坐寡人喻矣鄢陵獨曰五十里在者徒用先生故乎

同上

林旣衣韋衣而朝齊景公景公曰此君子之服邪小人之服邪林
旣作色曰夫服事何足曰揣士行乎昔荆爲長劍危冠令尹子西
出焉齊桓短衣而遂之溝冠管仲隰朋出焉越文身剪髮范蠡大

夫種亦出焉西戎左衽而椎結由余亦出焉如君言衣犬裘者當
犬號衣羊裘者當呼鳴今君衣狐裘而朝得無爲變乎景公曰子
自己爲勇捍乎曰登高臨危而目不眴而足不淩者此工匠之勇
捍也入深泉取蛟龍拘黿而出者此漁夫之勇捍也入深山刺虎
豹抱熊而出者此獵夫之勇捍也夫不難斷頭裂腹暴骨流血中
野者此武士之勇捍也今臣居廣廷作色而辨曰犯主君之怒前
雖有乘軒之賞未爲之動也後雖有斧鑕之威未爲之恐也此既
之所曰爲勇捍也

同上

周勃之公謂鮑叔曰故爲寡人願平鯨味秦

周昌者沛人曰軍功封汾陰侯御史大夫高帝欲廢惠帝立戚夫
人子如意羣臣固爭莫能得昌廷爭之強上問其說昌爲人吃曰
臣口不能言臣期期知其不可也陛下欲廢太子臣期期不奉詔

御覽七百四十

育黑聖之曰無民青之深

八十一

文王之葬枯骨無益眾庶眾庶悅之恩義動人也

御覽三百七十五

挾泰山已超北海

御覽三十九

諸侯牆有黑堊之色無丹青之彩

御覽一百八十七

賤之如虺豕

楊倞注荀子王霸篇

子奇年十八齊君使之化阿至阿鑄其庫兵已為耕器出倉廩已

賑貧窮阿縣大化

後漢書順帝紀注

桓公與管仲鮑叔甯戚飲桓公謂鮑叔曰姑為寡人祝乎鮑叔奉

酒而起祝曰吾君無忘出莒也使管子無忘束縛從魯也使甯戚

無忘其飯牛於車下也

隗囂傳注

齊桓公與管仲飲酒酣管仲上壽曰願君無忘出奔於莒也臣亦

無忘束縛於魯也

馮異傳注

伊尹蒙恥辱負鼎俎已干湯

崔駰傳注

臧孫魯大夫行猛政子貢非之曰夫政猶張琴瑟也大絃急則小

絃絕矣故曰罰得則姦邪止賞得則下歡悅子之賊心見矣獨不

聞子產之相鄭乎推賢舉能抑惡揚善有大略者不問其短有厚德者不非小疵家給人足囹圄空虛子產卒國人皆叩心流涕三月不聞竽琴之音其生也見愛死也可悲故曰德莫大於仁禍莫大於刻今子病而人賀子愈而人相懼曰嗟乎何命之不善子又不死臧孫慙而避位終身不出

陳寵傳注已上皆後漢書

子貢曰子產死國人聞之皆叩心流涕曰子產已死吾將安歸皆

巷哭

李善文選注三十七

營度也

文選注三

孫叔敖曰筐篋之橐簡書

二十三案御覽八百一十一曰此為公孫敖語

楚王載繁弱之弓忘歸之矢呂射兕於雲夢

二十四

公孫龍謂平原君曰臣居魯則聞下風高先生之知悅先生之行

三十九

孔子曰聖人雖生異世相襲若規矩

四十

趙良謂商君曰君亡可翹足而待也

四十

太王亶父止於岐下百姓扶老攜幼隨而歸之一年成邑二年成

都三年五倍其初

四十

及定王王室遂卑矣

五十

劉向曰先王之所已指麾而四海賓服者誠德之至也

五十

晉襄公之孫周為晉國休戚不倍本也

五十六已上皆文選注

穰服四夷天下安然

北堂書鈔十三

說苑

案說苑二十卷今見存不錄錄其佚文

閔子騫兄弟二人母死其父更娶復有二子子騫為其父御車失

轡父持其手衣甚單父則歸呼其後母兒持其手衣甚厚溫即謂

其婦曰吾所已娶汝乃為吾子今汝欺我去無留子騫前曰母在

一子單母去四子寒其父默然故曰孝哉閔子騫一言其母還再

言三子溫

藝文類聚二十

晉靈公驕奢造九層之臺費用千億謂左右曰敢有諫者斬孫息

聞之求見靈公張弩操矢見之謂之曰子欲諫邪孫息曰臣不敢

諫也公曰子何能孫息曰臣能累十二博棊加九雞子於其上公

曰吾少學未嘗見也子爲寡人作之孫息卽正顏色定志意一作氣

曰棊子置於下而加九雞子於其上左右屏一作懼息靈公扶一作俯

伏氣息不續公曰危哉危哉孫息曰臣謂是不危也復有危此者

公曰願見之孫息曰公爲九層之臺三年不成男不得耕女不得

織國用空虛戶口減少吏民叛亡鄰國謀議將興兵社稷一滅君

何所望靈公曰寡人之過乃至於此卽壞九層之臺後漢書呂布傳注藝文類

聚二十四又七十四御覽七百五十八

孫息學悲歌引琴作鄭衛之音靈公大感故作衛公之曲歌而和

之北堂書鈔一百六

齊王起九重之臺募國中有能畫者賜之錢有一作狂卒敬君居常飢